


Бахилликдан ҳам ёмон дард борми?



Бахилликдан ҳам ёмон дард борми?

09:00 / 21.08.2023 1655

«Бахиллик» луғатда карамлилик ва сахийликнинг зиддиидир.

Уламолар истилоҳида баҳилликка бир неча хил таъриф берилган бўлиб, улар бир-бирларини тўлдириб келади.

Журжоний:

«Бахиллик ўз молини ман қилишдир», деган. Яна: Ҳожат тушганда ўзидан устин кўришни тарк қилиш баҳилликдир», деган.

Ибн Ҳажар:

«Бахиллик сақлаб турилган нарсадан талаб қилинганда ман қилиш мумкин бўлмаган нарсани ман қилган шахсдир.

Бахил - шариат ҳукми ва мурувват тақозоси ила ман қилиш мумкин бўлмаган нарсани ман қилган шахсдир.

Шариат вожиб қилган нарса закот ва аҳли-аёлнинг нафақасидир.

Мурувват тақозо қиласигани эса торлик вужудга келтирмаслик ва майда-

чуйда нарсаларга ҳам эътибор беравермаслиkdir. Бу ҳолат одамлар орасида «пасткашлик» дейилади.

Бахилликни келаси ҳадисларда яна ҳам яхшироқ таниб олишга ҳаракат қиласиз.

Жобирдан ривоят қилинади:

«Расулуллоҳ соллаллоҳу алайҳи васаллам:

«Эй Бану Салама! Сизнинг улуғингиз ким?» дедилар.

«Жад ибн Қайс. Лекин бахиллиги бор», дедик.

«Бахилликдан ҳам ёмон дард борми? Улуғингиз Амр ибн Жамуҳdir», дедилар».

Амр жоҳилият даврида санамларга қараб турад эди.

Расулуллоҳ соллаллоҳу алайҳи васаллам уйлансалар, у зонинг номларидан тўй қилиб берар эди».

Шарҳ: Ушбу ҳадисдан бахилликнинг нақадар ёмон сифат эканини билиб олдик. Бир қавм бахил одамни «улуғимиз» деб билар экан. Расулуллоҳ соллаллоҳу алайҳи васаллам: «Ундай киши саййидликка ярамайди», дедилар.

Амр ибн Жамуҳ деган киши жоҳилият даврида шу қавмнинг бутхонасида яшаган, яъни шу қавмнинг бутчиси бўлган экан. Бироқ Расулуллоҳ соллаллоҳу алайҳи васаллам уйланганларида тўй қилиб берган, тўйнинг харажатини кўтарган экан.

Сахийлик ва бахилликнинг фарқини, бу сифатлар инсоннинг обрўсини қанчалик кўтариши ёки туширишини кўринг. Бу ниҳоятда ибратли ҳолатдир.

Бахил одам ўз қавмининг улуғи бўлишга яроқли эмас экан. Аксинча, сахий одам бу мартабага муносиб экан.

Шунинг учун мўмин одам доимо бахилликдан сақланиши, қўлидан келганича сахий бўлишга ҳаракат қилиши лозим.

Муғийранинг котиби Варроддан ривоят қилинади:

«Муовия Муғийра ибн Шуъбага мактуб ёзиб:

«Менга Расулуллоҳ соллаллоҳу алайҳи васалламдан эшитган бирор нарсангни ёзиб юбор», деди.

Шунда Муғийра унга мактуб ёзиб:

«Расулуллоҳ соллаллоҳу алайҳи васаллам «деди-деди»дан, молни исроф қилишдан, кўп саводдан, ман қилиш ва «бер-бер» дейишдан, оналарга оқ бўлишдан, қизларни тириклай кўмишдан қайтарар эдилар», деди».

Шарҳ: Расулуллоҳ соллаллоҳу алайҳи васаллам миш-мишларни айтишдан, гап ташишдан қайтарган эканлар. Кераксиз «деди-деди»лар ҳар бир жамият ва шахс учун канчалар заарли эканини кўпчилик яхши билади. Мўмин banda бу ёмонликдан сақланиши лозим.

Расулуллоҳ соллаллоҳу алайҳи васаллам яна Аллоҳ таоло берган молдунёни исроф қилишдан қайтарган эканлар. Исрофгарлик мўмин кишига тўғри келмайди, мўмин киши молини тежаб, тадбир билан ишлатиши, зое қилмаслиги керак.

Расулуллоҳ соллаллоҳу алайҳи васаллам сиз билан биз умматларини кўп савол беришдан ҳам қайтарганлар.

Ўзи билмаган, муҳим нарсани сўраш керак. Бироқ Расулуллоҳ соллаллоҳу алайҳи васаллам бўлган-бўлмаган нарсани ҳадеб сўрайверишдан қайтарганлар.

Баъзилар сўралаётган одамни ҳижолат қилиш учун билган нарсасини ҳам сўрайверади. Яна бошқалар ноўрин, bemavrid нарсаларни сўрайди. Кўпинча қасддан, жавоб берувчи одамни ноқулай ҳолатга тушириб қўядиган қилиб сўралади.

Сўралган одам жавоб бермаса, билмас экан, деган гап тарқалади. Жавоб берса, жавоби учун бошига қийинчилик тушади. Шунинг учун саволни жойида, ўрнини билиб бериш керак, аниқ билиб туриб, хайрли манфаат учун сўраш керак.

Шундай баҳил одамлар борки, кишиларнинг эҳтиёжи тушиб, ундан ўзида бор, имкони bemalol нарсани сўраса ҳам бермайди. Расууллоҳ соллаллоҳу алайҳи васаллам бу ишдан ҳам бизларни қайтарганлар.

Баъзилар эса бирор нарсани сўраса, эгаси бермагунча, тинмай талаб қилиб тураверади. Расууллоҳ соллаллоҳу алайҳи васаллам ана шундай ишлардан ҳам қайтарганлар.

Оналарга оқ бўлиш ҳақида аввалги ҳадисларнинг баёнида батафсил гапирилди.

Қизларни тириклай кўмиш жоҳилият пайтидаиб арабларнинг иши бўлиб, қиз туғилса, катта бўлганда бизга ор келтиради, деган аҳмоқона тасаввурлари билан қизларни тириклай кўмар эдилар. Расууллоҳ соллаллоҳу алайҳи васаллам ана шундай ёвузликдан ҳам қайтарганлар.
Жобирдан ривоят қилинади:

«Набий соллаллоҳу алайҳи васалламдан бирор нарса сўралса, ҳеч қачон «йўқ» демаганлар».

Шарҳ: Расууллоҳ соллаллоҳу алайҳи васаллам ўзларида бор нарсани бирор муҳтоҷ бўлиб сўраса, албатта берар эканлар, «йўқ» демас эканлар.

Демак, мўмин-мусулмон одам ўз Расули Муҳаммад Мустафо соллаллоҳу алайҳи васалламдан ўрнак олиб, сахий бўлиши, бир нарса сўраган одамга «йўқ», дейиш яхши эмаслигини билиши лозим экан.

«Одоблар хазинаси» китоби асосида тайёрланди

Ушбу мақола Ўзбекистон Республикаси Дин ишлари бўйича қўмитанинг 2023 йил 14 мартағи 03-07/1733-рақамли хulosаси асосида тайёрланди